



Na osnovu člana 50. stav 2. i člana 110. stav 2. alineja 3. Zakona o cestama Federacije BiH ("Službene novine Federacije BiH", br. 12/10 i 16/10), federalni ministar prometa i komunikacija donosi

PRAVILNIK

O LICENCIRANJU IZVOĐAČA RADOVA REDOVNOG ODRŽAVANJA JAVNIH CESTA

Član 1.

Ovim Pravilnikom se uređuje procedura i kriteriji za izdavanje licence, uključujući proceduru podnošenja zahtjeva, vršenja uvida i izdavanje licence, kriterije za odobravanje ili odbijanje zahtjeva za dodjelu licence, kao i sadržaj i uvjete licence, te način izmjena, suspenzije i ukidanja licence.

Član 2.

(1) Pravno lice kome se mogu povjeriti poslovi redovnog održavanja javnih cesta (Izvođač radova), mora biti licenciran od strane Federalnog ministarstva prometa i komunikacija.

(2) U svrhu dobijanja licence Izvođač radova mora posjedovati slijedeće:

a) Ovlaštenje Federalnog ministarstva prostornog uređenja u skladu sa odredbama člana 44. Uredbe o uređenju gradilišta, obaveznoj dokumentaciji na gradilištu i učesnicima u građenju ("Službene novine Federacije BiH", broj 48/09 i 75/09)

b) Stručnu osposobljenost za izvođenje radova redovnog održavanja

Kvalificirana lica koja će biti odgovorna za izvođenje radova:

1) najmanje jedno lice koje ispunjava uslove za voditelja radova za koje se ovlaštenje traži, sa učešćem u najmanje tri projekta izvođenja istih ili sličnih radova - mora biti diplomirani građevinski inženjer (VII stepen) sa položenim stručnim ispitom i 5 (pet) godina radnog iskustva ili građevinski inženjer (VI stepen) sa 10 (deset) godina radnog iskustva u struci;

2) najmanje dva lica koja ispunjavaju uslove za obavljanje poslova predradnika, odnosno poslovođe građevinske struke sa učešćem u najmanje tri projekta izvođenja istih ili sličnih radova- može biti lice sa V ili IV stepenom stručne spreme i 5 (pet) godina radnog iskustva;

3) najmanje tri (3) lica-ophodara sa srednjom stručnom spremom građevinske ili prometne struke i sa tri (3) godine radnog iskustva na poslovima održavanja cesta.

4) najmanje pet (5) lica sa odgovarajućim stepenom obrazovanja za rukovanje sredstvima rada (mašinama, uređajima i opremom) i sa odgovarajućim iskustvom;

5) najmanje 10 radnika-cestara.

c) Tehničku opremljenost za izvođenje radova redovnog održavanja

1) da raspoláže odgovarajućim građevinskim mašinama, uređajima i napravama, građevinskom i drugom opremom i transportnim sredstvima potrebnim za primjereno i kvalitetno izvođenje radova.

2) da posjeduje opremu za zaštitu radnika na radu, zaštitu od štetnih djelovanja za sve osobe koje se povremeno ili stalno nalaze u zoni izvođenja radova i opremu za zaštitu od štetnih djelovanja na okoliš ukoliko takva djelovanja postoje.

Član 3.

Broj potrebnih pojedinih sredstava rada, koje ponuđači moraju posjedovati za određenu ugovornu grupu, odredit će Upravljači u tenderskoj dokumentaciji, ovisno o dužini ceste, tehničkim i klimatskim karakteristikama ceste, vrsti i vrijednosti planiranih radova, i drugim faktorima vodeći računa da je osnov za planiranje sredstava rada na 100 kilometara javne ceste.

Član 4.

(1) Osnovni paket opreme za redovno održavanje 100 km javne ceste obuhvata slijedeće:

a) 4 kiper kamiona

b) 4 utovarna posipača

c) 4 pluga za uklanjanje snijega

d) 2 utovarivača sa plugom i utovarnom kašikom

e) 1 grejder

f) 1 bager

g) 2 valjka do 2 t

h) 1 valjak 2-6 t

i) 1 finišer za krpanje asfalta

j) 1 freza za asfalt širine frezanja 1 m

(2) Sadržaj osnovnog paketa može biti modificiran ovisno o uvjetima iz člana 3.

Član 5.

(1) Na prijedlog stručne komisije ministar izdaje licencu za izvođenje radova redovnog održavanja, ukoliko su ispunjeni svi uvjeti iz člana 2. ovog Pravilnika.

(2) Komisiju iz stava 1. ovog člana imenuje ministar svojim rješenjem od predstavnika nadležnih ministarstava i upravitelja javnih cesta.

Član 6.

(1) Licenca važi za period od 4 godine.

(2) Za vrijeme važenja licence, Federalno ministarstvo prometa i komunikacija zadržava pravo, da izvrši izmjenu, suspenziju i ukidanje licence, ukoliko je kod Izvođača radova došlo do promjena u pogledu ispunjenja uvjeta za dobijanje licence.

(3) Za produženje važnosti licence Izvođač je dužan podnijeti zahtjev za produženje važenja. Isti se podnosi najranije šest (6), a najkasnije tri (3) mjeseca prije isteka trenutno važeće licence.

(4) Zahtjev predan prije najranijeg ili poslije najkasnijeg roka će biti odbačen.

Član 7.

(1) Za izdavanje licence, produženje njezina važenja i izmjenu, podnosi se zahtjev na obrascu prikazanom u prilogu ovoga Pravilnika.

(2) Zahtjev mora biti ispisan čitljivo, popunjen u cijelosti i potpisan po odgovornoj osobi Izvođača radova.

(3) Prilozi koji se prilažu uz zahtjev na dan predaje zahtjeva ne smiju biti stariji od 3 mjeseca.

Član 8.

(1) Uz zahtjev za izdavanje licence Izvođač radova prilaže:

a) Rješenje o upisu sudskog registra

b) Uvjerenje o nekažnjavanju od nadležnog suda za odgovorne osobe

c) Potvrdu Porezne uprave o uplaćenim porezima i doprinosima

d) Bilans stanja za prethodnu godinu i račun dobiti i gubitka za prethodnu godinu

e) Dokaz o broju i stručnoj osposobljenosti zaposlenika izvođača koji će se angažirati na poslovima održavanja cesta, dokaz o odgovarajućoj stručnoj spremi za osoblje navedeno u članu 1. tačka 2. ovog Pravilnika sa potvrdom od ovlaštene MIO/PIO

f) Referenc lista za poslove redovnog održavanja i zaštite javnih cesta

g) Dokazi o vlasništvu, ovjeren popis sredstava rada i opreme koja će se koristiti za radove redovnog održavanja navedenih u članu 1. tačka 3. ovog Pravilnika

(Dokazi: račun, carinska deklaracija ili saobraćajna dozvola)

h) U svrhu dokazivanja funkcionalnosti sredstava rada i opreme neophodno je dostaviti dokaz o zadnjem obavljenom važećem periodičnom pregledu.

(2) U procesu rješavanja po zahtjevu za izdavanje licence Federalno ministarstvo prometa i komunikacija će izvršiti uvid u stvarno stanje u vezi sa ispunjavanjem uvjeta za izdavanje licence.

Član 9.

Troškove postupka izdavanja licence snosi podnositelj zahtjeva za izdavanje licence.

Član 10.

Obrazac Zahtjeva za izdavanje licence i obrasci za prikaz Strukture zaposlenika i popisa opreme, vozila i mašina koji će biti angažovani na poslovima redovnog održavanja, su dati u prilogu ovog Pravilnika i čine njegov sastavni dio.

Član 11.

Ovaj Pravilnik stupa na snagu osam dana od dana objavljivanja u "Službenim novinama Federacije BiH".

Broj 08-02-2-1444-4-0/10
13. oktobra 2010. godine
Mostar

Ministar
Nail Šećkanović, s. r.

OBRAZAC ZAHTJEVA ZA IZDAVANJE LICENCE

PRILOG 1.

1. PODACI O PODNOSIOCU ZAHTJEVA

NAZIV PODNOSIOCA ZAHTJEVA:			
SJEDIŠTE PODNOSIOCA ZAHTJEVA:		ULICA:	
		BROJ:	
		MJESTO:	
		POŠTANSKI MJESTA:	BROJ
PDV broj:		ID broj:	
BROJ RAČUNA:		BANKA:	
TELEFON:	GSM:	FAKS:	E-MAIL:
ODGOVORNO LICE PODNOSIOCA ZAHTJEVA:		IME I PREZIME:	
		FUNKCIJA:	
ADRESA ODGOVORNOG LICA:		ULICA:	
		BROJ:	
		MJESTO:	
		POŠTANSKI MJESTA:	BROJ
TELEFON:	GSM:	FAKS:	E-MAIL:
BROJ TELEFONA na kojem će odgovorno lice biti dostupno tokom cijelog postupka izdavanja licence:			

2. RAZLOG PODNOŠENJA ZAHTJEVA:

(a) – dobivanja prve licence, b) - produženja važenja licence

Izvođač radova: _____

STRUKTURA ZAPOSLENIKA

Koji će biti angažovani na poslovima redovnog održavanja:

Redni broj	Prezime i ime	Ukupan staž (godina)	Iskustvo na istim ili sličnim poslovima (godina)	Zanimanje

 mjesto i datum

M.P.

Ponudač: _____
 potpis ovlaštenog lica

Izvođač radova: _____

POPIS OPREME, VOZILA I MAŠINA

Koja će biti angažovana na poslovima redovnog održavanja

Redni broj	Vrsta (tip)	Godina proizvodnje	Kapacitet	Vlasništvo ili višegodišnji najam (leasing)	Napomena

mjesto i datum

M.P.

Ponudlač:

potpis ovlaštenog lica